

全唐詩

全

唐

詩

全唐詩

紀唐夫

紀唐夫開成中中書舍人詩三首

送友人歸宜春

落花兼柳絮無處不紛紛  
遠道空歸去流鶯獨自聞  
野橋喧碓水山郭入樓雲  
故里南陔曲秋期欲送君

驄馬曲

連錢

一作年

出塞蹋沙蓬豈比當時御史驄  
逐北自諳深磧

路連

一作長

嘶誰念靜邊功登山每與青雲合  
弄影應知碧

草同今日虜平將換妾不如羅袖舞春風

送溫庭筠尉方城

何事明時泣玉頻，長安不見杏園春。  
鳳皇詔下雖霑命，鸚鵡才高却累身。  
且盡一作飲綠醪銷積恨，莫辭黃綬拂行塵。  
方城若比長沙路，猶隔一作有千山與萬津。

裴思謙

裴思謙開成登第官衛尉卿詩一首

及第後宿平康里

一作平康妓詩

銀缸斜背解鳴璫，小語偷一作低聲賀玉郎。  
從此不知蘭麝貴，夜來新染一作惹桂枝香。

李衢

李衢開成中爲屯田郎中詩一首

都堂試貢士日慶春雪

錫瑞來豐歲旌賢入貢辰輕搖梅共笑飛裏柳知春遠  
砌封瓊屑依階噴玉塵蟬吟更古科斗映還新鶴毳  
迷難辨冰壺鑒易真因歌大君德率舞詠陶鈞

李損之

李損之文宗朝進士詩一首

都堂試貢士日慶春雪

春雪晝悠颺飄飛試士場綴毫疑起草霑字共成章  
匝地如鋪練疑階似截肪鵝毛縈樹合柳絮帶風狂  
息疫方殊慶豐年已報祥應知郢上曲高唱出東堂

李景

李景隴西人文宗朝進士詩二首



除夜長安作一作李京詩

長安朔風起窮巷掩雙扉新歲明朝是故鄉何路歸鬢  
絲饒鏡色隙雪奪燈輝却羨秦州鴈逢春盡北飛

都堂試貢士日慶春雪

密雪分天路羣才坐粉廊霽空迷晝景臨宇借寒光似  
暖花消地無聲玉滿堂灑池偏誤曲畱硯忽因方幾處  
曹風比何人謝賦長春暉早相照莫滯九衢芳

張元一作元宗

張元宗太和時人詩二首

登景雲寺閣

胡馬飲河洛我家從此遷今來獨垂淚三十六峰前

望終南山

紅塵白日長安路馬足車輪不暫閑  
唯有茂陵多病客每來高處望南山

李肱

李肱開成二年第一人及第官齊岳二牧詩一首

省試霓裳羽衣曲

開元太平時萬國賀豐歲梨園獻舊曲  
玉座流新製鳳管遞參差霞衣競搖曳  
醜罷水殿空輦餘春草細蓬壺事已久  
仙樂功無替詎肯聽遺音聖明知善繼

句

水光先見月露氣早知秋

見萬  
花谷

鄭史

鄭史字惟直宜春人開成元年舉進士第國子博士歷  
永州刺史即谷之父也詩三首

永州送姪歸宜春

宋玉正秋悲那堪更別離從來襟上淚盡作鬢邊絲永  
水清如此袁江色可知到家黃菊坼亦莫怪歸遲

秋日零陵與幕下諸賓遊河夜飲

一作宴

湘月蘋風乍暢襟燭前江水練千尋新秋宋玉能爲賦  
永夕袁安好共吟輦下翠蛾須強展尊中綠蟻且徐斟  
汀沙漸有珠凝露緩棹蘭橈任夜深

贈妓行雲詩



最愛鉛華薄薄妝更兼衣著又鵝黃從來南國名佳麗

何事今朝在北一作行

許灑

許灑開成初進士詩一首

紀夢一作夢入瓊臺 逸史灑游河中忽大病親友環守三日蹶起

取筆大書於壁第二句云坐中惟有許灑與余明日驚起又取筆改第二句兀然如醉良久漸言曰昨夢到瑤臺有仙女三百餘人一人自云許飛瓊遺賦詩及成又令改曰不欲世間人知有我也既畢甚被賞歎若有人

導引得回

晚入瑤臺露氣清天風飛下步虛聲塵心未盡俗緣在

十里下山空月明此首本事詩及唐詩紀事並作許灑

牛叢

牛叢字表齡僧儒之子開成初登第歷踐臺省方鎮終

吏部尚書詩一首

題朝陽巖

躡石攀蘿路不迷  
曉天風好浪花低  
洞名獨占朝陽號  
應有梧桐待鳳棲

陳上美

陳上美開成二年登進士第詩一首

咸陽有懷

山連河水碧氛氲  
瑞氣東移擁聖君  
秦苑有花空笑日  
漢陵無主自侵雲  
古槐堤上鶯千囀  
遠渚沙中鷺一羣  
賴與淵明同把菊  
煙郊西望夕陽曛

楊鵬

楊鴻開成二年登進士第詩一首

晴望九華山

九華閑望簇清虛氣象羣峰盡不如惆悵都南挂冠吏  
無人解向此山居

趙璜

趙璜開成三年登第詩四首

正月

正月今朝半陽臺信未迴水芹寒不食山杏兩應開世  
網畱三宿真源寄一杯因聲謝援鳥歲宴會歸來

七夕詩

一作李郢詩

烏鵲橋頭雙扇開年年一度過河來莫嫌天上稀相見

猶勝人間去不迴  
欲減煙花饒俗世  
暫煩雲月掩樓臺  
別時舊路長清淺  
豈肯離情似死灰

曲江上巳

長隄十里轉香車  
兩岸煙花錦不如  
欲問神仙在何處  
紫雲樓閣向空虛

題七夕圖

帝子吹簫上翠微  
秋風一曲鳳皇歸  
明年七月重相見  
依舊高懸織女機

潘咸

一作成  
又作誠

潘咸與喻臯同時集一卷  
今存詩五首

登明成堡



來經古城上極目思無窮  
冠盡煙蘿外人歸蔓草中  
峰巒當闕古堞壘對雲空  
不見昔名將徒稱有戰功

送陳明府之任

客見天台縣閭閻樹色間  
驂回幾臨水帶緩獨開山  
吏散落花盡人居遠鳥閑過  
於老萊子端簡獨承顏

長安春暮

客在關西春暮夜還同  
江外已清明三更獨立看花月  
惟欠子規啼一聲

舟行

平沙極浦無人度猶繫孤舟  
寒草西半夜起看潮上月  
萬山中有一猿啼



送僧

闕下僧歸山頂寺却看朝日下方明  
莫道野人尋不見  
半天雲裏有鐘聲

句

棧踏猿聲暮江看劍影秋

送人遊蜀

僧老白雲上磬寒高鳥

邊

心已同猿狖不聞人是非

行人渡流水白馬入

前山

秋深雪滿黃金塞夜夜鴻聲入漢陽

以上並見  
主客圖

薛瑩

薛瑩文宗時人洞庭詩集一卷今存十首

秋晚同友人閑步

藉草與行莎相看日未斜  
斷崖分鳥道疎樹見人家  
望

遠臨孤石吟餘落片霞  
野情看不足歸路思猶賒

宿仙都觀陰王二君修道處

十載別仙峰峰前千古蹤  
陰王修道處雲雪滿高松  
洞口風雷異池心星漢重  
明朝下山去片月落殘鐘

宿東巖寺曉起

野寺寒塘曉遊人一夢分  
鐘殘數樹月僧起半巖雲  
宿鳥驚初見幽泉落不聞  
吟餘憑前檻紅葉下紛紛

秋日湖上

落日五湖遊煙波處處愁  
沈浮千古事誰與問東流

江山閑望

渺渺無窮盡風濤幾日平  
年光與人事東去一聲聲

訪武陵道者不遇

花發鳥仍啼行行路欲迷  
二真無問處虛度武陵溪

寄舊山隱侶

舊山諸隱淪身在苦無身莫鎖白雲路  
白雲多悞人

羨僧

處世曾無著生前事盡非  
一餅兼一衲南北去如歸

錦

軋軋弄寒機功多力漸微  
惟憂機上錦不稱舞人衣

中秋月

三十六旬盈復缺百年堪喜又堪傷  
勸君莫惜登樓望  
雲放嬋娟不久長

句

單棹橫疎雨江灘秋泊時  
花畱身住越月遞夢還秦

崔元略

崔元略博州人第進士更辟諸府累遷殿中侍御史進  
中丞改京兆少尹歷散騎常侍出為黔南觀察使敬宗  
初拜戶部侍郎太和三年以戶部尚書判度支畱守東  
都改義成節度使卒贈左僕射詩一首

贈毛仙翁

莫將凡聖比雲泥椿菌之年本不齊度世無勞大稻米  
昇天只用半刀圭人間嗟對黃昏槿海上閑聽碧落雞  
旌節行中令引道便從塵外踏丹梯